

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

ДОМ НАРОДА
ПРЕДСТАВНИЧКИ ДОМ

DOM NARODA
PREDSTAVNIČKI DOM / ZASTUPNIČKI DOM

Савјет националних мањина БиХ

Vijeće nacionalnih manjina BiH

Broj: 05/7-39-1-173-18,1/24

Sarajevo, 8. 4. 2024.

БОСНА И ХЕРЦЕГОВИНА
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ
SARAJEVO

6

PRIMLJENO: 23-05-2024			
Organizaciona jedinica	Klasifikaciona oznaka	Redni broj	Broj priloga

ZAPISNIK

18. sjednice Vijeća nacionalnih manjina BiH, održane 8. 4. 2024. u Kaknju

Sjednica Vijeća nacionalnih manjina BiH počela je u 17 sati.

Sjednici su prisustvovali: Zamire Sokoli-Begović, Davor Ebner, Skender Mustagrudić, Franjo Rover, Ernest Grin, Saša Mićin, Todorka Jovanović, Velibor Kuvač, Mujo Fafulić, Igor Kotjelnikov, Mihal Hemun, Danijel Štefek, Hakan Varan, Violeta Džolan, Dejan Piotrovski, Miroslav Bobrek i Dragica Tešić.

Odsustvo je opravdao Željko Vaško.

Sjednici su prisustvovali i: Ivana Lovrić i Vladana Savić, stručne savjetnice u Sektoru za druga parlamentarna tijela.

Za sjednicu je predložen sljedeći

DNEVNI RED

1. Razmatranje Prijedloga zapisnika 17. sjednice Vijeća nacionalnih manjina BiH;
2. Dogovor i aktivnosti u vezi s organizacijom 1. konferencije nacionalnih manjina u BiH;

3. Razmatranje Programa za promociju prava manjina u BiH s kalendarom zajedničkih aktivnosti s vladama i institucijama zainteresiranih država, kao i s međunarodnim institucijama;
4. Tekuća pitanja.

Prije usvajanja dnevnog reda za riječ se javio Igor Kotjelnikov i predložio dopunu dnevnog reda, i to dopuna tačke 4. Razmatranje Nacrta petog mišljenja Savjetodavnog komiteta o Bosni i Hercegovini (materijal dostavljen ranije e-mailom), tako da tačka 4. postaje tačka 5. predloženog dnevnog reda.

Ovaj prijedlog usvojen je jednoglasno.

Nakon što je usvojen prijedlog za dopunu dnevnog reda, predsjedavajući Vijeća nacionalnih manjina BiH konstatirao je da je usvojen sljedeći dnevni red:

1. Razmatranje Prijedloga zapisnika 17. sjednice Vijeća nacionalnih manjina BiH;
2. Dogovor i aktivnosti u vezi s organizacijom 1. konferencije nacionalnih manjina u BiH;
3. Razmatranje Programa za promociju prava manjina u BiH s kalendarom zajedničkih aktivnosti s vladama i institucijama zainteresiranih država, kao i s međunarodnim institucijama;
4. Razmatranje Nacrta petog mišljenja Savjetodavnog komiteta o Bosni i Hercegovini (materijal dostavljen ranije e-mailom);
5. Tekuća pitanja.

Prije razmatranja 1. tačke dnevnog reda prisutnima se obratio predsjedavajući Vijeća nacionalnih manjina Mujo Fafulić. Prisutne je upoznao s aktivnostima u okviru manifestacije povodom obilježavanja Svjetskog dana Roma u Kaknju.

Ad. 1. Razmatranje Prijedloga zapisnika 17. sjednice Vijeća nacionalnih manjina BiH

Nakon uvodnih napomena predsjedavajućeg, Zapisnik je jednoglasno usvojen.

Ad. 2. Dogovor i aktivnosti u vezi s organizacijom 1. konferencije nacionalnih manjina u BiH

U uvodnom izlaganju o ovoj tački dnevnog reda predsjedavajući Vijeća Mujo Fafulić podsjetio je prisutne o sastanku koji je održan s predstavnicima Ministarstva za ljudska prava i izbjeglice BiH i Misije OSCE-a u BiH u vezi s organizacijom 1. konferencije nacionalnih manjina u BiH i naglasio da je naredni sastanak predviđen za 19. april, a na kojem će se razgovarati o svim detaljima u vezi s organizacijom konferencije. Ponovio je da je utvrđen termin za održavanje konferencije, 21. maj 2024, te da su dogovorene dvije ključne teme o kojima će se raspravljati na 1. konferenciji: „Podrška kulturnoj saradnji nacionalnih manjina u BiH“ i „Kako unaprijediti saradnju Vijeća nacionalnih manjina BiH s udruženjima nacionalnih manjina u Bosni i Hercegovini“. Posebno je naglasio da su sva udruženja nacionalnih manjina na e-mail adrese koje su dostavili članovi Vijeća obaviještena o terminu održavanja konferencije, da se očekuje potvrda njihovog učešća, te da će zvaničan poziv dobiti nakon što se usaglase svi detalji u organizacionom smislu.

U iscrpnoj raspravi o ovoj tački dnevnog reda učestvovali su: Mujo Fafulić, Saša Mićin, Franjo Rover, Miroslav Bobrek, Zamire Sokoli-Begović, Velibor Kuvač, Davor Ebner, Dragica Tešić, Igor Kotjelnikov i Danijel Štefek.

Iz rasprave izdvajamo:

- Franjo Rover predložio da se na konferenciju obavezno pozovu predstavnici entitetskih ministarstava prosvjete i kulture i ministarstva lokalne samouprave, te predstavnici lokalnih zajednica gdje postoje primjeri dobre prakse saradnje s udruženjima nacionalnih manjina.
- Mujo Fafulić predstavio nacrt dnevnog reda konferencije, naglasio je da se na konferenciju pozove po jedan predstavnik svakog udruženja, te da je potrebno da predstavnici udruženja potvrde učešće na konferenciji do 12. aprila 2024, kako je i navedeno u dopisu koji je prosljeđen na e-mail adrese svih udruženja u BiH. Još jednom je zamolio članove Vijeća da podsjete udruženja svojih nacionalnih manjina da potvrde učešće do navedenog roka. Posebno je naglasio da će Misija OSCE-a u BiH osigurati moderatora konferencije i snositi troškove prijevoza za učesnike.
- Velibor Kuvač predložio da se pozovu predstavnici Federalnog ministarstva kulture i sporta, te Ministarstva kulture i sporta Kantona Sarajevo. Posebno je naglasio da je

Zakonom o zaštiti prava pripadnika nacionalnih manjina propisano da su BiH, entiteti, kantoni, gradovi i općine u BiH dužni u okviru svojih budžetskih sredstava osigurati sredstva radi ostvarivanja prava koja pripadaju nacionalnim manjinama na osnovu ovog zakona.

- Igor Kotjelnikov predložio da se na konferenciju kao učesnici pozovu novinari Draško Ignjatić i Dženita Zirdum koji se bave pitanjima nacionalnih manjina na RTRS-u i BHTV-u.
- Saša Mićin predložio da se na konferenciju pozovu predstavnici državne, entitetskih, kantonalnih i općinskih vlasti. Posebno je naglasio da je konferencija prilika za dijalog predstavnika vlasti i udruženja nacionalnih manjina kako bi se poboljšao položaj udruženja nacionalnih manjina u BiH. Također, predložio je da svi panelisti izlažu 15 minuta, a da se ostavi po 10 minuta za pitanja učesnika konferencije. Posebno je naglasio da će se panelisti dogovoriti i usaglasiti pod teme o kojima će izlagati.
- Zamire Sokoli-Begović predložila da se stručnoj službi dostave kontakti entitetskih, kantonalnih i općinskih vlasti s kojima udruženja nacionalnih manjina saraduju.
- Miroslav Bobrek predložio da u okviru panela II. udruženja nacionalnih manjina ukažu na probleme s kojima se susreću prilikom realizacije kulturnih projekata.
- Danijel Štefek predložio da se pozovu predstavnici općinske administracije Bijeljina, Odjela za nacionalne manjine i dijasporu.
- Dragica Tešić predložila da se na konferenciju pozovu predstavnici Ministarstva za kulturu, sport i mlade Tuzlanskog kantona. Između ostalog, naglasila je da ne postoji sistemsko rješenje finansiranja projekata udruženja nacionalnih manjina, kao i upitnost kompetentnosti komisija koje ocjenjuju predložene projekte udruženja.
- Ernest Grin predložio da se na konferenciji obrati Jakob Finci, koji je, između ostalog, bio i član Vijeća nacionalnih manjina BiH u prethodnim sazivima.
- Davor Ebner informirao prisutne da je kontaktirao medije koji će izvještavati o konferenciji.
- Violeta Džolan informirala prisutne da će dostaviti listu ambasada i međunarodnih organizacija koje će biti pozvane na konferenciju.

Jednoglasno prihvaćen prijedlog da panelisti u okviru panela I. „Podrška kulturnoj saradnji nacionalnih manjina u BiH“ budu predstavnici Ministarstva za ljudska prava i izbjeglice BiH

i predstavnici entitetskih ministarstava prosvjete i kulture, a panelisti panela II. „Kako unaprijediti saradnju Vijeća nacionalnih manjina BiH s udruženjima nacionalnih manjina u Bosni i Hercegovini“ Saša Mićin, Davor Ebner i Todorica Jovanović.

Po okončanju rasprave, a na prijedlog predsjedavajućeg, informacije su jednoglasno primljene k znanju.

Ad. 3. Razmatranje Programa za promociju prava manjina u BiH s kalendarom zajedničkih aktivnosti s vladama i institucijama zainteresiranih država, kao i s međunarodnim institucijama

U raspravi o ovoj tački dnevnog reda učestvovali su: Saša Mićin, Mujo Fafulić, Franjo Rover, Miroslav Bobrek, Dejan Piotrovski, Igor Kotjelnikov, Velibor Kuvač i Davor Ebner.

Članovi Vijeća nacionalnih manjina BiH jednoglasno su prihvatili prijedlog da se rasprava o ovom dokumentu nastavi na narednoj sjednici kada budu prisutni predstavnici Ministarstva za ljudska prava i izbjeglice BiH.

Ad. 4. Razmatranje Nacrta petog mišljenja Savjetodavnog komiteta o Bosni i Hercegovini (materijal dostavljen ranije e-mailom)

U raspravi su učestvovali Saša Mićin, Franjo Rover, Igor Kotjelnikov, Mujo Fafulić, Velibor Kuvač i Miroslav Bobrek.

Nakon rasprave o ovoj tački dnevnog reda, a na prijedlog predsjedavajućeg, konstatirano je da se o ovom dokumentu raspravljalo na 14. sjednici Vijeća, koja je održana 15. 12. 2023, da su članovi Vijeća nacionalnih manjina BiH nezadovoljni sadržajem Nacrta petog mišljenja Savjetodavnog komiteta o Bosni i Hercegovini i da neće podržati navedeni dokument, te da će o tome obavijestiti Ministarstvo za ljudska prava i izbjeglice BiH.

Ovaj prijedlog prihvaćen je jednoglasno.

Ad. 5. Tekuća pitanja

- Predsjedavajući Vijeća Mujo Fafulić pozvao je članove Vijeća na svečanu večeru povodom obilježavanja Svjetskog dana Roma, koji predstavlja jedan od najvažnijih datuma za

romsku populaciju, u organizaciji Centra za podršku Roma „Romalen“ Kakanj i Općine Kakanj.

- Rasprava o izradi Četvrtog izvještaja Bosne i Hercegovine o implementaciji Evropske povelje o regionalnim ili manjinskim jezicima - u raspravi učestvovali: Mujo Fafulić, Saša Mićin, Igor Kotjelnikov, Velibor Kuvač i Ernest Grin. Nakon rasprave, jednoglasno prihvaćeno da članovi Vijeća odgovore na pitanja i dostave ih šefici Odjela za zaštitu prava i saradnju s nacionalnim i drugim manjinama, vjerskim zajednicama i nevladinim organizacijama Ministarstva za ljudska prava i izbjeglice BiH.

Naredna sjednica Vijeća planirana je za 21. maj 2024. u Sarajevu, s početkom u 17 sati.

Sjednica je završena u 18.30 sati.

**Stručna savjetnica u
Sektoru za druga parlamentarna tijela**

Vladana Savić



**Predsjedavajući
Vijeća nacionalnih manjina BiH**

Mujo Fafulić

